

Erindisbréf
fyrir
æskulýðsnefnd Bláskógabyggðar

I. Kafli
Almenn ákvæði.

1. gr.

Æskulýðsnefnd er skipuð af sveitarstjórn Bláskógabyggðar og er henni ætlað að vinna að æskulýðs-, tómsunda- og íþróttamálum í sveitarfélaginu. Æskulýðsnefnd skal starfa samkvæmt erindisbréfi þessu, sem sveitarstjórn hefur staðfest og almenningur skal hafa greiðan aðgang að, IV. kafla sveitarstjórnarlaga nr. 45/1998, II. kafla stjórnsýslulaga nr. 37/1993 og að öðru leyti eftir því sem lög og reglugerðir segja fyrir og sveitarstjórn felur henni.

2. gr.

Æskulýðsnefnd er skipuð þremur (3) aðalmönnum og jafnmörgum til vara. Sveitarstjórn skipar formann nefndarinnar en að öðru leyti skiptir nefndin með sér verkum.

3. gr.

Hlutverk.

Æskulýðsnefnd er ráðgefandi nefnd sem gerir tillögur til sveitarstjórnar. Nefndin getur enga bindandi ákvörðun tekið nema með samþykki sveitarstjórnar, enda hafi nefndinni áður verið falin fullnaðarafgreiðsla einstakra mála.

4. gr.

Markmið.

Markmið með starfi æskulýðsnefndar er að styrkja og efla þá æskulýðs-, íþrótt- og tómsundastarfsemi sem fyrir er í Bláskógabyggð í nánun og góðu samstarfi við hin frjálsu félög sem vinna að þessum málum. Nefndin skal leitast við að ná því grundvallarmarkmiði að tryggja að ákvarðanir hennar og vinna séu fyrst og fremst í þágu allra íbúa sveitarfélagsins, sem leggur þær skyldur á herðar fulltrúum í nefndinni, að setja ávallt almenningshagsmuni ofar sérhagsmunum hvort heldur er sínum eigin eða einstakra hópa.

II. Kafli.

Verkefni.

5. gr.

Meðal verkefna æskulýðsnefndar er að stuðla að eflingu og fjölbreytni í æskulýðs-, íþrótt- og tómsundastarfsemi í Bláskógabyggð, í nánun samstarfi við aðra aðila sem vinna að þessum málum. Að öðru leyti skal nefndin vera sveitarstjórn til ráðgjafar um allt sem lýtur að þessum málaflokkum.

SS JS H.K. MS
MK SK

III. Kafli.

Fundir og starfshættir.

6. gr.

Boðun funda.

Formaður boðar til funda svo oft sem þurfa þykir, þó ekki sjaldnar en tvisvar á ári og stjórnar þeim.

Boðað skal til fundar ef a.m.k. tveir nefndarmanna óska eftir því enda tilgreini þeir fundarefni.

Til fundar telst löglega boðað hafi allir nefndarmenn, eða varamenn í forföllum þeirra, verið boðaðir með a.m.k. tveggja sólarhringa fyrirvara og þeim jafnframt greint frá dagskrá fundarins. Komi upp mál sem krefst skjótrar úrlausnar getur fyrirvari um fundarboðun verið skemmri, ef enginn nefndarmanna mælir gegn því.

Fundir nefndarinnar skulu að jafnaði haldnir fyrir luktum dyrum. Nefndin getur boðað á sinn fund starfsmenn sveitarfélagsins ef hún telur þess þörf. Einnig getur hún boðið öðrum aðilum að koma á fund nefndarinnar til viðræðna um ákveðin mál.

7. gr.

Réttindi og skyldur.

Nefndarmönnum er skylt að sækja fundi æskulýðsnefndar nema lögmæt forföll hamli.

Þeir sem sitja fundi nefndarinnar skulu gæta fyllsta trúnaðar um þau einkamál er rædd kunna að vera á fundum hennar. Þagnarskylda helst þótt látið sé af störfum.

Um réttindi og skyldur fer að öðru leyti skv. IV. kafla sveitarstjórnarlaga nr. 45/1998 og II. kafla stjórnarsýslulaga nr. 37/1993.

8. gr.

Ályktunarhæfi.

Æskulýðsnefnd getur enga ályktun gert nema meirihluti hennar sitji fund. Verði atkvæði jöfn ræður atkvæði formanns.

Nefndarmaður getur ekki fjallað um mál sem varða hann sjálfan eða nána venslamenn hans svo mjög, að ætla megi að afstaða hans mótist að einhverju leyti þar af og skal hann í slíkum tilvikum víkja fyrir varamanni, sbr. 47. og 19. gr. sveitarstjórnarlaga nr. 45/1998 og II. kafla stjórnarsýslulaga nr. 37/1993.

9. gr.

Fundargerðir.

Rita skal í fundargerðabók öll mál sem fjallað er um í æskulýðsnefnd og skulu allir viðstaddir rita nöfn sín undir fundargerðina. Með fundargerðir fer að öðru leyti skv. 48. gr.

sveitarstjórnarlaga og 15. greinar samþykktar um stjórn og fundarsköp Bláskógabyggðar.

Fundargerðarbók, afrit af skýrslum og skjölum æskulýðsnefndar, lög, reglugerðir og erindisbréf skulu vera tiltæk á öruggum stað. Formaður skal sjá um að afrit af fundargerðum nefndarinnar séu send sveitarstjórn til kynningar og/eða samþykktar að loknum hverjum fundi. Nefndarmenn eiga einnig rétt á að fá afrit af fundargerðum hennar. Sveitarstjórn sér um birtingu fundargerða nefndarinnar á vef sveitarfélagsins.

10. gr.

Meðferð mála.

Æskulýðsnefnd skal á fundum sínum taka fyrir öll þau erindi sem berast henni, fjalla um þau og gera tillögur um afgreiðslu þeirra til sveitarstjórnar, nema sveitarstjórn hafi falið henni

fullnaðarafgreiðslu málsins sbr. 3. grein erindisbréfs þessa. Þá skal formaður, strax að lokinni afgreiðslu, tilkynna málsaðilum niðurstöður málsins sé mál þannig vaxið.

Staðfest á fundi sveitarstjórnar Bláskógabyggðar þann 2. september 2010.

Valgerður Karasondóttir

Helga Hjörtason

Jóhanna Sveinbjörnsdóttir

Guðni Guðni

Sigurlína Kristinsdóttir

MARGRÉT ÞORVALDSDÓTTIR